

兩

浙

輶

軒

錄

兩浙翰軒錄卷二十六目

丁敬 張暘 陳兆喟 施廷樞 馮準治

洪簡 洪鶴書 許震元 許升元 蔡朱源

戴葆元 張作 吳頴芳 施安 嚴際昌

沈碧 張濟川 周二學 吳世昌 田嘉穎

翁光選 李震鷺 朱振祖 朱翰宣 戚王遵

夏葛 沈孔鍵 范從徹 周洪 劉顯祖

鍾省 吳尊萊 徐衍 商璉 張喬林

陳維屏 陳諒 胡尊貞

兩浙輜軒錄卷二十六

督學使者阮元

丁

敬字敬身號龍泓山人又自號鈍

杭州府志文苑傳敬作家江干少不習舉子業年甫冠始折節讀書爲詩造語奇峭好金石文字窮巖絕壁手自摹搨以志傳著武林金石錄分隸皆入古而於篆尤篤善擊印然非性命之辨不能得其一字

碧谿詩話龍泓先生嘗應兩辰鴻博之舉生平刻苦作詩葉鶴文集有與丁敬身札云前在晚松坐下遲我見不至甚以爲張及見尊製爲之嗟服汪子宜先生云有此作詩工夫何如速來一聚語雖數蓋亦真情也云云觀此可想見前輩作詩之苦心先生博學好古書工大小篆筆如屈鐵精刻印章人得其一寶如珠琳嗜金石文愛之等於性命

游佛日淨慧寺

古寺空山中幽僻足遐企來遊况佳侶瀟灑得把臂虛榻拱
靈籟一聽含眾異微月被春暝疎梅耿寒意心魂清佛火短
揚翻可棄明當討陳跡歷證鮮于記

觀梅蔚十六羅漢畫冊

宣城梅氏饒畫瞿山聽山雄相當中間蔚也更秀絕人物
迥迥元宋唐卽如此冊所畫小身羅漢一十六一一精彩無
低昂或從苔厂眼定度千劫堅守清淨韜神鋏或跌華林熙
怡展微笑虛空無著無畦疆天龍一指出磨衲法華三昧然
蠢香大安隱石坐寂歷最光明地行端詳露衣真見骨梗梗
微卷似有經琅琅頷髭松苗頸鶴瘦錯落老少分豐尪其餘
七者亦清古而異質黝坳圓方杯浮錫飛且鈍置團圍共此
摩尼光慈雲恍惚現灑灑天花髮髻來芬芳我疑畫師前身
的是老尊宿鹿苑鷲嶺合十常趨踰似覺尊者淪精飛魄入
其腹然後得以行筆跳動宛轉如此隨密苾桐腹似漆楮似
雪已歷花甲無纖傷何人寶此得完善新城詩伯尙書王冊

下題跋盡名偉金風亭長尤雄強枯槿句子妙劍獲八分小
字如騫驥雲煙過眼真幻耳玉魚金椀何慨慷池北霽席迸
魚鑰一朝飛落塵中坊陸君欣得謹包裹祇許良友開囊箱
我適諦玩夏之朔綠陰池館生清涼疎寮棊几滴嵐翠主人
愛客陳壺觴坐中廓蓬二三子脫帽露頂同清狂與酣掩冊
欲起舞便去振衣屋外千仞岡妙畫通神或恐變飛去爲囑
山靈阿護主人爲我長珍藏

正月十八日同王容大過忠天廟觀陸少微畫壁作歌
寒力入裘如入繡未遣梅花洗煩惱乍過收燈喜飽晴日脚
碧雲紅皓皓城北故人天機清有約靈祠事幽討芍蘭兜西
路不紆共曳青鞋踏霜草臨河廟榜金慘淡肅奉社翁及社
媪到門嘈噴匏竹驕掖簇村巫炫虔禱進探佛屋闌檻冷畫

壁模糊半傾倒三長六法粗可辨陸翰丹青藝林寶毘沙威
神剎塔劫毘首威儀失幢纛餘墨蕭瑟詎容識但見戈鋌雜
箭筈森然端麗五天女三目雙瞳猶炯好水衣風帶雖剝落
想見雲裳與霞襖再觀羅漢淡如夢彷彿兩軀疑草稿流派
駸駸載進亞若遇謝循應見媚陸翁斯地舊廬在畫此定應
增祓澡研青練紫自琢意豈惜役思枯髓腦人生積善信有
報似儻佳孫盛文藻四菩薩版記蘇公二行脚僧移米老惆
悵今時妙賞希空付庸僧支熏爇世間何者足堅牢萬物終
傷難自保蝸涎雀燕競相妬轉眼流光跡空掃平生搜竒未
肯後却恨來看知不早風前把茗漫徘徊流覽且與開懷抱
堂中大佛亦奇古戍削精嚴出誰造論工林下宋元世數百
年經幾潤燥起尋碑讀稽時代久仆泥沙供礪搗開結遊曹

擬再過墨本種惟庸一考

同西林樊榭遊辨利講院

日脚逗松頂同過松下門房開青豆小牆接古苔昏晴磬韻
尤妙秋蟲語不煩坐來成小劫未覺石崩淵

同歷城楊苜園同里金壽門楊誨仲枕董浦過映壁齋

松諸巖若分韻

秋雲無定姿疎雨小釀寒山行偶合并遂得林下歡防嶺路
未遑于野興忽寬僧舍柔翳戶向徑仄且盤入門撫火樹葉
似榛栗櫛預思十月初來看霜葉丹粧臺眇畱蹤粉澤久已
乾映壁有故宋榭臺
洗鉛池諸勝蹟想像明月中香魂應淒酸鄰居結構佳
低樓帶屑巒森吹刷竽匏窗外松丸丸沙彌解敬客擎茶脯
且端次第爲小畱懷古勞肺肝往事如驚鷗誰能向空搏超

哉覺王言萬古歸一彈長嘯指後期南塔訪靈鯁

送桑工部之歷下講院次其畱別之韻

客程舟外見蘆花迢遞官河縱復斜老去景光應倍惜秋來
月色不須賒魚龍城市迷青海李杜池臺莽白沙知爾講餘
多遺撥好憑雙鯉降瑤華

荔帷明經載酒湖上同椒園按察維揚項羅兩詩人至

聖因寺看貫休十六羅漢畫軸

風徐雲薄作微陰樂事湖頭趣好尋波借清涼類合槩峯貪
濃綠不分林孳茶小憇僧恭意看畫同生法喜心斗頓催詩
來驟雨擬畱禪榻擁梁衾

遊雲門廣孝二寺

牛車盤頭始迺陸木形似之閣閣竹與鳴且肩爐炊隴蕪五七里

竹橋踏過愁相顛蒼山橫截斗面起杼青拗紫爭勾連洪溪
左瀉抱山去下注若耶生渦漩壯聲磊落搏軒鼓細響幽抑
張蝸絃蒲芽石髮亦稀有活碧已占千千年石梁小轉寺門
覓黃泥牆堵罔罔偏老松偃拱似迎客斷雲忽墮疑來仙一
蟲不語眾籟寂靜氣直接無古先虛堂坐久啜茗罷起梯樓
閣巡廊楊祖龕將從東度印僧寮久冷西來禪前身我似此
三宿歷攬陳迹心依然曾聞萬棟駕金碧已同過鳥隨飛煙
放翁碑版無剩石辨才塔劫餘頽磚橋亭影斷麗句在詩名
豈待欄檻傳獨留穹碑照寒翠高宗楷書傳忠廣
李之寺六大字 呼嶸奎畫
搖星躔字塗丹液自昔爾字以朱備自宋
迄今其色不渝 秋風露灑紅霞鮮
於戲忠孝佛所本梵筴每見瞿曇宣窮生再世重深行緇雅
詎了三生緣看人老鶴忽一叫響回空谷殊鏗妍同遊二子

其恟悅凝立懶覓來時船
涉膝竹路惜歸去野情古思何聯
聯

大桓禪師贈佳紙以一絕酬之

絕勝羊家白練裙
禪師笑掇一番分
擬將不點纖毫墨
看作通明嶺上雲

維揚汪巢林先生寄示新刊詩集輒題長句於後卽以
寫寄

手把幽人遙寄集
搔頭讀罷向誰論
龍梅念竹有真意
剪水斷冰無俗痕
畫就易炊聊復爾
吟成且坐每忘言
祇愁或被人見冷
怪先生道太尊

頃索巢林畫梅書來云目已失明不能復作因次其甲
子臘八日集寒木齋喜予至揚之韻寄以奉酬

邢江惜別十冬春每憶茅堂滿案塵
趙益門閑時謝客梁鴻
龔熱肯因人飲安茗乳平生嗜畫
斷梅花宿世因肉眼已無
天眼在好看萬象又更新

石鼓歌

并叙

平生頗好金石文字收蓄千餘件
一夕忽燬無留隻
字復抱沈痛老亦侵至益無聊賴
矣梁兼士孝廉山
舟翰林叔姪日下歸以石鼓文打本
贈視我昔有雖
加損削而醜椎之工頗強人意
蓋以我所篤喜者慰
我悵慄耳用意如此能無感哉
因攬筆爲石鼓歌略
舉故人情事錄之冊後示我後人

我聞石鼓在太學左右對列森
衙繞吟却鈔白屋履來觀
定隘鴻都車周家世代昧遠近
韋云文王碑云宣王爲劉但
詞臣馬定國以爲宇文周但

見收獵刊詞佳我車我馬驂左右嗚嗚猛士嚴銜鍍旂旛

戰肅隊仗縱然奔趙無喧譁來東歸西差可按遵循汧洛凌

岐崖控搏惡獸執異兒竄奔兔音兔罝音罝毆獮貳鮪鮪鮪鮪

鮪鮪曰漁棗音棗咎非弓投麋音麋豕蹶鋒鏑射夫騁藝搖

獲取用參牲特告太祝更坦原隰安菑畬有唐中葉跡始著

左河老手開吟又韓光蘇焰繼摘揆鏗撞大句瘖啞哇至元

己卯音訓勒清通歐陽元黃音才俱媵金風亭長劇疏証馬

說未見難攻瑕朱檢詞呼馬定琉璃版人黑白掃易金每入

通人家紛吾有癖似歐趙分無紫禁趨闕圍形模但向甲秀

見舊藏甲秀堂韓石鼓精本闕圍塊壘何礙礮斲斷疑爲列

星隕斑駁似受狂雷拋往看未遂老道至安能萬里驅騾跨

我生况更後韓老鳩蟀又換千年遐弄藏幸獲雙翠墨搨麟

爽分金鈔

舊藏兩本一遺照一閣中豈止百鋪展靜處不

管三摩掌素心辰良或戾止出玩屢點頭綱茶搦金

真碑版

熟掌故瘦臨鴨石墨長鑄華輕舒漫掩世慮遠杳同佛屋繙

楞伽六丁瞰如忽下取化爲朱鵲兼烏鴉尋常憶著便搔首

肝肺突兀生叔擲故人情多念衰朽十紙鄭重封題斜裏箋

急與拆魚子裱綾執暇思冀芽呼兒打壁宛轉看蓋頭病髮

恣鬢髻辛壬甲乙順次第高下聯綴齊無差墨憐輕活調點

漆紙喜剝薄抄純麻槌均撲細極筆頭工人造爾能堪嘉依

稀三百四十字錯落星斗瞻開遮怒猊掌抉醉象蹴饑蛟尾

掉饒鯨呀書人在昔妙心手勢窮罇扁徐公誇

徐騎省謂鼓
婦扁法非老

手莫能得刊

審音且任讀吾我

陶滋石鼓文証誤
本音吾讀作我

結體聊知

珠籀蒼柳楊梓械半摧折

柳梓字又
判小半

應鹿雉兔猶紛拳一微

辛鼓剝又盡洶如浪白翻蛟蛇

元時第八鼓尙存微字見譜通音訓今已盡制

繁鉤

疎帶見磊砢態度何異東陵瓜癢煤痕楷贖跟肘鈎金揀出

恒河沙字亾誰能乞倉史石破我思求女媧紛紜流峙急越

別但可默會言難加日月愈遠鼓益損後生所見應尤些月

愈遠後生所見益微公坡跋右年帖語想見他時轉漫漶滿身凹凸增高窳頑

然將返太璞始癭瘳瑟縮如蝦蟇低回未便毛好事捫探索

摸猶吝嗟我躬可慘心力槁作歌那堪奇芬葩目搜心計漫

極校後慧取拾前人牙坡公憫世羨鼓壽成毀終逐風中花

坐對真成三歎惜應與吾生行有涯

龍泓憩館圖

松阜先生與僕交垂三十年未知其妙于水墨也去

臘忽蒙手寫龍泓憩館圖見贈更題古體長句於上

思清格老稱許過情盈尺間三絕備矣僕何幸哉因

次原韻奉酬

吾鄉山水吾真愛江態湖姿分向背先隱雖遙境未溷松喬

石古人疑在嗟予束髮肯塵網攬身欲去徒生慨已諧豈夜

等窮通久把功名同茹退喜指道士理茶鐺恥向公卿掉書

袋思圖憩館在龍泓竊比神樓存大槩吳興劉南坦尚書不
能懣樓居文蔚山爲

畫神樓圖見閔
元衢跋餘漫錄吁嗟垂老將就木始獲素心閒遜采論交吾

兄卅載強未悉豪端能爾繪外史鈎彼迂偶張若貞不以
畫名偶寫奇

石爲倪雲
林所賞元章藟蓄坡猶昧坡公讀米公寶月觀賦與手簡
云與元章交三十年尚知元章

不信知雲
盡夢蕩胸寬鴻戲鯨呿安久耐一笑欣將昔願償魂

遊定向斯圖內

意林以龍井春芽西湖藕粉見餽更用蘇公與參寥行

園得黃耳蕈詩韻作詩見示適代州馮右書以五臺
天花葷寄贈輒分小裹以餉意林并依原韻答之

茶泛金芽促鼻香藕澄銀粉沁心涼扶羸頗振筋骸劣破睡
堪鋤學殖荒聊仿吳儂輕點蜜肯同朝客浪投葷報瓊偶掇
仙山葷點綴殘春筍蕨鄉

旌門柔孝子抱鎗圖

人生失怙情難述况復親存把奇疾通腸入胃百未能除却
鐵糜無異術豚糜半糜漸謝功子心如沸一鎗中明明親在
養不得豈待泉魚撓木風宛轉親亾腸欲裂忍見團團煮糜
鐵抱鎗哭絕咽無聲啾啾有耳鎗應泣

哭陳授衣

別後光陰脫兔奔把君計紙一聲吞三生已覺揚州夢午夜

應歸浙地魂爛漫琴書珍令子崢嶸詩筆守諸孫當年覓句

齋空在花發愁看寂閉門

君讀書吳山夢綠菴會乞程松門高士畫閉門覓句圖濃墨乾筆邱

整深潤視紙小立軸一幅

回回李翰十紙聯幅墨蒲桃歌

回人李翰一生畫墨蒲桃生紙殘煤遇興卽作山僧
野人往往見乞翰不以藝精自矜畫人或有訾毀翰
絕不之怒自娛而已滿洲線公亦善此藝開府浙江
時見翰作延政署中翰卽掉頭歸甘於貧寂不欲媵
阿節鉞聞耳平生作畫例不署款知己書劣但以兩
市刻印塞流俗意此十紙聯幅乃其傑作故惜不用
予偶得之惜斯世無有能知翰者因爲手篆刻章誌
之并作短歌用薦後之能傳翰者庚寅五月

李翰蒲桃墨法熟生紙枯榮隨所欲興來兔鵲信手追真有

洋州胸次竹論畫何心阿愛憎讜言曾抗線中丞浙撫線一信嘗延李

署中論畫深瓶還我四體潔瘦骨偏向秋陵憎異時曾識李翰面

回輝寺外尋常見今之回堂舊名回輝寺有正翦髭寒映

葛衣霜回首光陰閃眸電鷗性從來鄙架鷹肯向華軒受緇

鏃於平一藝能自重死後風標始驚眾髣髴佯狂温相公脫

畧擅成楊總統此畫縱橫二丈強紙聯十幅宣州光天藤大

葉何蒼茫颯杳似有風吹裳想見連駢帖高壁帖紙于壁見米公畫史

靜焚鉢天諸念息回國呼香為鉢文猛然振筆數回環宛似老回書

黑忒回國呼字曰黑忒梗健驚看火樹橫顛繁忽訝摩尼黑滄壁迷

離烟霧生滿堂惚恍龍蛇入當年畫成知自惜款印俱無付

真識畫例不署款但用市工印老夫使置異代名絲落石

章爲手刻老夫龍鍾頭雪色俯仰應成遠行客他年挂向草堂中未識何人重太息

江曉香請和游浴鶴灣晚歸之作

淡施浴鶴灣阿那啼鶯樹清曠少游人舊是元洲路灣爲張洲精舍幽外史元境之一當年獲到人不異蓬山渡晚步足徘徊涼煙薄於霧訪古水無言但有聲拳鷺江生具遠情于此拾佳句歸艇風吹裳波面月已吐風月寧有私閑者得其趣

陸秀才飛楚中歸贈中興頌墨本請賦此歌

陸生客遊祁陽歸手中出贈中興碑湘煙生翠浮紙墨草堂展看明朝暉頌書元頌兩奇絕千秋照耀活溪澗讀之令我生太息病肝老肺俄崔嵬祿兒天磔固早示天寶遺事終堪悲強軍祇辨抗行在哥舒用武嗟虺頰潼關一挫犬羊入九

廟頓爾成飛灰苟無顏郭奮忠義兩京疾復誰能為三郎悔

禍中興啟昭然天意如風回製文遣祭曲江老文鏡白石高

巖隈罪躬旌直應有作想見文字傾瓊瑰桑枯感退古所有

一念信移安與危何人為我致墨本好同斯搨相追隨明皇

追恨不聽張九齡之諫親製文遣使至曲江祭之命刻白石山崖上見安祿山事蹟

魏景初帳構銅歌狀圓如筒徑一寸長四寸許中空而底方旁出岐枝有孔上有字云景初

元年五月十日中尚方造長一丈廣六尺濶漆平坐

帳上廣構銅重二斤十兩凡三十二字入分書邪上

方西時所藏

魏宮帳煖春雲熱紫蓋漫報銅龍咽巧笑長蛾緝父風悼后

至今沈恨血淒涼往事逐颼風忽視千年帳構銅景初換朔

希殷正土德黃矜見處龍景初元年正月山莊縣黃摩挲銘

文三十二澤漆朱竿知舊製龜頭小字密於蠶筆蹤疑擅邯

鄂勢漳水衝洪日夜哀曹家陵寢久蒿萊哀王篆破亦見此
云伴團團鐵照子漢廣川王好發掘冢墓周哀王冢石牀上
有帳構劍一其餘異物唯鐵鏡數百枚知

此物之製其來舊矣見西京雜記

歲辛酉杭郡庠頰池側掘得蘇文忠公表忠觀碑原石

二片樊榭作歌記其事索余次韻

園池湛湛清不淆繞池柏吹鳴居巢頰宮典禮最嚴誌行人
過此屏竊哮瓊鑄玖勒通廊廡誰知鉅刻土尙包表忠觀碑
忽掘得未審何日移南郊觀舊在龍山之陽南渡後祀圓丘地也錢王偉蹟森

在眼怒濤猶覺回強辭文忠健筆扶公是一洗六一橫訾嘲

五百年餘論久定讀史無復紛喧呶五代史廣文先生性好古

諸暨余羅村拭洗請定金石交想當衣苔臥江濤衛守定嚴虎與

蛟不然桑海幾塵浪豈免入劫鋪堂劫卽今重樹豈偶爾隱

現若爲天所教高文磊落在人口車隘未藉鴻都鈔走觀好

事快奇觀登登打搦煩煙膠我來撫看日卓午檐花弄影凌

呀摩較以重刻雖缺半成化年間郡人重刻湖上表忠觀真龍頭角終磽

磽戈回豎屹神氣聳驤洶奔水鷹飢捎墨掃我待百木蓄墮

布誰將萬事拋龍山壁水論今昔昔依林莽今軒庖大厦深

檐與蓋覆盲風怪雨難侵敲何當四石舊觀復後小跋云碑有凹片皆兩

刻文連字接如吹箋作歌記事慰懷古詎宜閉口同懸匏

陸後飲秀才餽餉頭菱戲效楊誠齋律體報之

菱菱乘時比舍供飼頭名色譟吳儂豚團混混魚緘口角短

磈磈鹿起茸生剝雪膚愁爪損熟餐霞髓溢昏濃老夫也是

聞知味屈到情懷漫一鍾

和嚴味村先生七十自壽次原韻

滄洲道在百無憂鶴迴芝閒用綺儔挂腹經書如水瀉熏天
富貴等雲浮深杯每自酬欣賞雙屐頻教伴勝游脫手新詩
懷抱好沈酣跌宕更溫柔

天潤雲輕雁北征凌秋老氣轉縱橫高懷久已安三樂
聖代從來重五更黃雪正當飄遠韻青粘底用託長生康瓠
舉向金風裏應暢千秋萬古情

庚辰冬日獨遊龍興寺二絕

酒壚葱肆幾騰蒸市井中間闕佛燈祇有詩人諳著眼對橋
門榜認龍興

遊幘重復小徘徊閒趁冬曦偶獨來解事沙彌憐熟客園門
爲我早先開

寺後高樹婆娑隔垣可望沙彌言祥符寺內樹也又言

先有龍興後有祥符蓋承其師語云爾但鮑老因緣
未知尙能悉否邈焉興感再賦近體五十六字

瓜分古寺感蕭梁寒霧回縹緲宋唐

北宋南宋中唐殘唐

穿蟻遊人詠

蘇老艸雅貴女降錢王

吳越王妃會降香此寺施捨龍乳管爲寺中十寶之一

塔埋鐵

劫消寒影井徙銀幹又夕陽惟有石幢寫佛日萬人曾親玉

蒙光

志言寺內有鐵塔坐久埋塵土矣

過趙五谷林春草園絕句

趙兄情抱水迢迢逢著花開卽見招恰似春風也相憶殷勤

猶到最長條

曾共掃翁把酒來高低忍闕舊亭臺梅花了解相思苦抱著

寒梢不肯開

淡洳池光洗釣磯當年柳影見依稀池邊多少閒鷗鷺早伴

天一鶴飛

縹緲岑樓構意新祇容青鶴作比鄰遙遙天目應惆悵不見

掀髯倚眺人

岑樓四壁可眺天目山卽以名焉秦蔥田八分書

徑草蕭蕭蔚似麻文梁徙燕檻升蝸無情最是青松樹曳翠

牽蘿蔭別家

張

賜字東搏號滌岑居士錢唐人有瑞石山房詩

杭世駿瑞石山房詩序畧曰滌岑少得詩法於厲徵君樊榭託想幽靚而取徑絕疲庸之習所居瑞石山麓矮

屋數椽業

醫自給碧溪詩話先生四子理蘊丁丑病內次年戊寅人日先

生夢叟友吳石蒼徐紫山沈欒城汪重閔陳玉几金江

聲金麴農厲樊榭石貞石孫晴山金閔之况相約來慰

峯二開士過訪云途遇以文徵仲寂寔一杯人日雨風流

知已之愛恍若生前以文徵仲寂寔一杯人日雨風流

千載草堂詩二句分韻賦詩而別夢覺補成一律云春

風凄冷放梅遲先友含愁慰故惟夢裡聯吟人日雪燈

前追和甫田詩風流地下皆同調憔悴塵寰獨後期更

張揚

遇佳兒頗奇語眼枯頭白也曾知先生
思子之深懷舊之切竝於此詩見之

映壁菴

草綠禪扉靜山空落照遲鶯聲悲廢苑佛影弔荒池苔石畱
殘翠岩花染剩脂城頭一彎月曾照晚粧時

蒨圃自閩來杭過訪以春茗見貽卽送其入京

寂寞城南舊草堂君來閩海話匡牀官情衣染三山翠風味

茶分二月香把酒花前懷旅泊逢人江上戀斜陽同訪丁敬
身江上

匆匆別我朝天去千里春光柳數行

丁丑七月廿九日哭四兒理編

艱難家計強支持勞悴臨危祇自知淚眼已枯暹暮日吟魂

忽斷早秋時愁聽谷鳥呼猶慘貧撫孤孫亦悲孫兒本想
生前兩月

豈獨傷心成永訣五年兩度哭佳兒長兒歿
已五年

閒居東徐紫山先生

遍地緇塵欲染衣，疎慵甘與世相違。
吟詩難就獨叉手，進客不來空掩扉。
離菊凋殘秋意老，霜楓蕭瑟夕陽微。
最憐徐孺貧兼病，煮字無方可療饑。

同樊榭敬身重遊雲居寺傷石貞石下世

廢寺重尋跡未湮，吟朋地下久傷春。
四圍山色青蓮郭，一角湖光冷逼人。
壞塔當年藏落彩，遺踪千載絕芳塵。
寺有巾峯和尚髮塔

及遺履尚存長廊靜對蕭蕭竹，朗誦遺詩各怡神。

留別西湖用香山韻呈城南吟社諸君

微風斜日散晴煙，初唱驅歌漫撥絃。
鶯語同聽非往日，柳陰共醉待他年。
旅餐最憶貓頭筍，鄉思難拋燕尾船。
堪羨城南舊遊好，殘春吟遍六橋邊。

盧敬甫招同孫晴山諸君秋禱泛湖分賦

湖水未全白，蟻舟郭門曉。雲影散遙岑，晴光豁林杪。握手水仙祠，歡愛託蘿藦。鴈詠集名流，修禱秋未老。煙柳碧陰陰，蘋香波渺渺。靜聆縱橫談，著作薄郊島。七椀玉川癖，茗飲興不。小尊菜勝江，東魚羹傳宋嫂。吾徒冰雪腸，其此清虛飽。酒酣叩禪扉，泊岸歌船繞。六一署名泉，抱掬除熱惱。寂寞惡勸廬，惟聽梧竹擾。蕩槩泛三澗，疎荷殘曲沼。微風薄醉顏，涼意先幽鳥。暝色籠空濛，平橋恣遠眺。領畧四山青，開愁淨如掃。良會頗綢繆，咎咎吐懷抱。延佇夕陽沈，吟情寄紅蓼。

初冬同吟社諸君自錢王祠喚舟至漪園晚憩南屏歸

途留飲近雲山舍分賦

時方
游湖

冬晴霜信殺，敗葉聲撼撼。心朋湖上行，佳境豈暇釋。延緣錢

王祠小喚郭門楫飛飛兩黃鵠向我若舊識西湖關水利六
井載圖籍蓄洩救上塘百里潤禾麥細民便膏腴隱占等陳
迹兼之葑田淤圓鏡半殘蝕歲修屢爬梳撈淺不逾尺望中
裏六橋長堤蔽蘆葦

省方悉民隱耕鑿預籌畫開濬西南隅募夫及農隙欣看復
舊觀一眼盡空碧停撓叩僧扉曲折穿籬入俯檻問沙鷗臨
流數金鯽山浮濃淡影樹著淺深色招邀過南屏日射林杪
赤襲衣煙靄輕迎面峯巒集幽鳥小參禪高棲閱過客笑人
羨勝遊曾穿幾兩屐歸路踏松陰緩步入城黑支筇楓嶺西
再酌丁卯宅一苾月破暝草露芒鞋濕主人剔寒燈拈韻限
險天劇談臨泛樂可惜暗門隔更闌萬籟靜風落一聲笛

陳兆嶺

字問風號眉山錢府人雍正已酉舉人官內閣中書

陳兆崙行畧曰仲弟兆喙號眉山者寒宗陳氏原籍餘姚曹娥江西去雲柯里之小山志不忘木也原名崑白為諸生至通仕籍皆原名補官後始改今諱屢困童子試年踰弱冠始受知於茶陵彭公歲己酉秋試獲選丁巳閏試中書應格錄用又三年補官任裁二年癸亥庚午連丁憂不出理故業藉問字東脩度日少育贏錢時與從弟仰峯族兄嘉言登山臨水賭酒彈碁歸輒引被而卧吟甚苦每病起亦然家人不能勸止女玉賢或手鈔口誦其詩則大喜拍案稱快今年正月二日遊吳山訪嘉言於山趾談諧極歡中寒不起距其生康熙壬午得年六十有五命嗣子玉敦檢尋遺稿以待編排繕刻

送孫武水之筠州

蕭齋盡日沸瓶笙
花落驚聞剝啄聲
似爾青韶初作客
愧余衰病欲逃名
帆檣影帶蜀江樹
書劍光生康樂城
從此風雲助
文藻勝遊真不苦長征

施廷樞

字北亭號慎甫錢塘

江流傳畧曰施慎甫嗜讀書甫冠謝夫科舉業博覽羣籍於經史傳注字句疑似者每抉摘其同異謬誤而舉

正之乾隆辛未福州太守兩湖徐公延修郡志甲戌復
應荆州葉太守之聘纂輯郡志戊寅三月爲二親營葬
於龍井躬督舂餼之役略血數升封土未乾痾竟不起
年四十有五詩文沒後多遺失僅存十篇齋詩文集各

卷一

抗世駿十駕齋集序畧曰北亭措思深滋眼光所到洞
垣一方偶與所作審定一二處其意所不滿者余未嘗
不自知也以故間人廣坐中有北亭在甌於嶼不敢妄
有論列旬而全謝山穿穴羣籍意不可一世北亭每有
匡益謝山旋即政定今世所刊經史問答可證也吾黨
多畏友核其尤則張曦亮與北亭爲最北亭家中落之
聞之楚連歲奔走於衣食心志幽憂精膳外繁年壽不
永不得副其所欲到之境嗚呼北亭意欲爲東萊深寧
一流人恥以詩文自見每有所造清樸無俗言而嫩不
收拾既沒孤子雖搜葺於友朋間得如千篇姊聶葉世
組同里鄭信許承基力任刊布汗流爲作傳而以序屬余

送張誠然入都

甚欲相從結耦耕傷歌歌罷復成行鶯啼草長江南岸破帽
騎驢薊北程白髮滿頭猶道路緇衣好士幾公卿旅情遙夜

知何極應念樂樂太瘦生

借厲樊榭先生登聖因寺竹間亭道暑

避暑訪僧夏追涼叩禪肩拾級展游目憑高舒顏形一亭納
萬翠驕陽逝不經雜坐緩巾帶清言極窅冥愛茲碧蘚淨園
列如長屏回風一披拂參差韻瓏玲嵐光逼虛棟湖淥上短
檣幽造異檢束勝賞同林垌執熱逸何有煩慮豁爾醒戀戀
不忍去暝色催歸舲

大風發馬當抵九江作

疾風吹沙日帆脫蒼茫翻動蛟鼉窟大波小波疊乘陵帆飽
弓張箭離筈浪花高捲濤篷窗遙望溢成如一髮桑落洲邊
欹側過小孤山色秋嵯峨丹霞壁不得上雲中招手空如
何三更放酒潯陽郭九派沄沄湖已落琵琶亭古臨江津江

以娛人其主賓却憶多情白司馬青衫淪落只含辛

泛舟西溪至蘆菴

艤子凌晨發精藍向夕登到門花遲客入夜榻分僧霜重侵
溪閣風多颭佛燈朝來富幽事肯負一枝藤

馮準治

字次萊一字
蔗田錢唐人

除夕

一歲又除夕客心還若何風塵雙鬢老貧賤一身多舊歷愁
中盡殘年病裏過萊衣真可念歸計莫蹉跎

紅城驛題壁

馬頭殘月慘孤征綠繡龍沙春草生幾曲溪流兩行樹路人
遙指近紅城

洪

字辟支號豆村錢
唐諸生著激提集

兩折猶肝隊

卷二十六

補延樞馮準治洪簡

鮑廷博激提集題辭云不關今有無池子開卷今
人喜欲狂莫插陶家書架上親留全帙付中郎
碧溪詩話薛支授徒自給性孤介傲視口不言貧初俯
於汪氏二十年所作詩為汪毅山所藏毅山沒以其詩
稿為殉自序云為才鬼所剪睦于地者是也今所存
者皆四十以後之作起甲寅終乙亥凡二十二冊其子
賢易市肆厭其父徒事吟咏客至拒勿納卒後其家束
詩稿于梁上者十許年其親知偶語吾友鮑綠飲蓬泮
拭梁塵解而授之其詩叢雜俚鄙然如詠醉蟹云騰絕
泥中路荒耽喪哀天算盤云合定二五耦分開上下牀
又如病中念佛兒應厭夢裏封侯妻不知分火便為陳
德色無懼卽是鼠凶年野水攜人尋別徑山花引客入
窮途自覺無能慙責于每
逢得意笑看天皆可滿

西湖竹枝詞

郎過錢江船早開
勸郎切莫看湖來
潮來早見湖頭去不見

湖頭去又回

路傍楊柳萬條長
風去風來抵死忙
不及岳墳華表石
一雙

相向立斜陽

哭子

長大看看六尺餘，遽然一死類枯魚。隨緣淡泊雖時否，儘爾艱辛是我疎。負米街坊羞熟路，背人燈火讀生書。慙慙夢裏重來話，兒臨死時之言只恐非熊事總虛。

弔劉四娘詩

四娘居郭璞井右家甚貧夫依於親歿於親所遺二幼子四娘青年守志以十指活之口食不足時拾井畔菜黃菜雜以爲糜卒窮死死後二子不知何歸矣弔之以詩

夫貧妻已苦，夫死更不支。井闌拾黃葉，滴淚如繩縻。葉盡不得餐，痛哉兩孤兒。孤兒何所恃，說與黃泉知。

東城女子遊湖歸夢一女云是採蓮女死於水也

採蓮女子死於蓮，魂抱蓮花水底眠。只恨蓮花不同死，今年花好又明年。

洪鶴書

字希聲號花村錢塘人昇孫之震子著花村小菴

碧谿詩話花村先生爲文藻七歲時業師戊寅之冬見先生於東園朱氏宅適病瘳扶筇坐語謂文藻曰予年衰就木相見無幾先兩世遺詩及予所作存稿無多並藏篋中與日當托以傳語竟淚潸潸下次年竟不起案花村遺稿卷中有呈都又禮丈詩都翁年八十餘與先生並屋而居無子好爲詩

冬夜不寐

浙瀝淒風夜悲涼孤月看一身誰伴侶萬事總艱難欲寐憑何策謀生總未安牀頭小兒女熟睡不知寒

謁海昌海神廟出春熙門登鎮海塔

百里鹽官地孤城海若鄰衣冠登舊俗桑柘有淳民水色迷村落湖聲到枕茵長堤資捍禦應識荷

皇仁

孤塔城南聳登臨亦快哉雲低津樹合天濶海帆迴市語吳音雜晴嵐越嶂開錢塘西望遠鄉思忽難裁

許震元

字采乾號楓
嶺錢塘人

抗世駁取斯集序畧曰許子楓嶺以英妙之年肆力於
聲韻既嘗受業珠淵又爲滌岑佳婿日從二君遊陶銘
出入得所師資搖筆落紙克追羣雅

花架十六韻

弱植扶依援柔條屈接檐續紛春乍暖掩映日方炎錯彩支
平懸低空織密縑稍通風料峭微滴雨廉蠶冉冉輕紅綴層
層嫩綠添坐堪張研席倚可啟書籤香聚生衣染陰濃午睡
恬玲瓏施露網披拂隱光幃月漏盈堦影山窺一角唵攀躋
枝易墜採摘刺防銛小憩秋千罷經過關草嫩藥繁交景姁
蔓長奮蛇蛎陋豈瓜棚比華應步障兼鳥音聽隔幔雲影度
重簾紫燕低雙剪青蟲挂一織惜芳人病起遙見立淹淹

上巳日懷虛屋在臯亭

引興舉亭去天晴玩物華水香遊客舫村煖野人家上巳喜
無雨滿山都是花定知詩句好吟到夕陽斜

許升元

字廷變號雲
舍錢塘人

正月十六夜步月鐵冶嶺

策杖翩翩快其登遙峯漸覺月初升蟾光不減上元夜人影
盡依春市燈塵外凭高延野望林中得句憶山僧白雲古寺
鐘聲近擬叩禪扉興倍增

閩九訪讓山不值歸詣雲居晤柳潔夫夫子

閩九風日佳登高展吟屐緩步陟南屏盤礴石路僻心慙松
靄青目騁楓葉赤入山未云深寂境遠塵陌隱隱聞鐘音扉
欵已公宅禪僧閒似雲雲飛任所適徙倚對幽花撫景玩奇
石引興健晴遊歸途踏嶺脊古寺結巖椒秋殘氣蕭撤耽吟

窓紆迴攬勝念日夕回望南屏峯巽嶂蒼烟隔燈前挹名流
山僧愛畱客米汁供齋厨熏顏清興劇好會不意逢分題託
前跡相於青豆房涼風透窗隙地娑循雲根月昇山徑白

蔡朱源

字芷樵號雪鴻錢塘人
者鷄肋吟寄寄山房集

蒙泉澗草堂落成與舍弟澄同賦

夙負烟霞癖今居山水深家鄰和靖宅人有樂天吟明月隨
清影澄湖寫素心娛親同愛弟松下弄幽琴

懷義門

曾約清秋醉鳳山仲冬猶自客郊關事無定數元難料人到
中年豈易閒行色不離流水外鄉心常在早梅間破愁此夜
還無賴高咏樓頭月一彎

秋夜江樓懷吳東屏

烈承

西風入夜雁啾啾天末涼生感舊遊豈有停雲同把酒不堪
橫笛自登樓草從人去年年綠詩到秋來字字愁無那蕭蕭
楓葉外月明回首大江流

戴葆元

字秋發錢塘人廷禧子

丁誠叔以夜坐詩索和

數椽茅屋少遮關淺植疎籬石路盤竹戛檐聲風有韻月橫
堦影樹生寒地偏似入柴桑里心淨疑永均瘳九往復與君
成結託閉門偃臥又冬殘

歲暮感懷再和誠叔疊前韻

閉關無事凭斜闌往事紛紛思百盤鼓翼遙憐鴻就暖悲鳴
曾聽烏號寒蕭疎朋好傷零雨飄降年光似走丸淺徑獨行
看細草一番霜雪一凋殘

張 作 山錢塘人

滁州寒食題六一祠

何處看春不可憐，環滁山色杖藜前。
離家未幾逢寒食，勝地重來已隔年。
冷艷半亭花褪雪，清流幾曲水籠煙。
歐公老去遺祠在，新火分烟夕照邊。

冬日同許楓嶺雲舍黃快亭湖上探梅

沙岸南頭古寺東，幽尋樂有故人同。
波光欲暮涵深碧，梅影先春破小紅。
蠟屐踏殘孤嶼雪，酒旗颺盡六橋風。
歸途景色珠清絕，扶醉微吟月在空。

吳穎芳 字西林，號臨江，鄉人。仁和人。善臨江鄉人詩集。

玉和傳畧曰：梳有績學，篤行安貧，樂潛之儒。日吳西林先生居仁和之臨江鄉，因自號臨江鄉人。其稱名於釋氏，則曰樹虛。初攻舉子業，嘗一赴童試，為役隸所訶，自是不復應。壹志稽古，張定夫、毛磨中兩先生攜書就先

生居焚秦繼畧積有年所每旦則各舉夜所讀書有疑
義相與剖析爭以無所疑辨爲恥務爲專一之學生不
博覽羣籍而所究心有難誦者數藝而已嘗怪鄭氏夾漈
之著書務與先儒爲難詆諆過當而持論反有所偏于
是取二十畧中之六書七音樂畧一尊先儒而探其
源成吹兩錄五十卷說文釋義六卷其采音韻論四卷
文宇源流六卷金石文釋義六卷其采音韻論四卷
致訂之用者名曰金屑錄六卷其采音韻論四卷
或相逢桑陸麥龍間蒲蕭不依耕者織者竊聽之不知
二老爲何語爲詩不厭數改由淺而及深去粗而存精
編爲臨江鄉人集四卷古文尚平易詩餘尚婉曲所作
不多皆不存寧化翠庭雷公視學兩浙鳴騶訪道得共
周子太極講義而去武進方耕莊公典試浙江事竣寫
輿出郭得其律管諸解而去卽吹簫錄中之一二門也
武進茶山錢公亦以學使報政時織舟河干周咨移晷
索觀所書而去醇儒抱道前輩虛衷士林傳爲佳話先
生於儒書之外兼通釋典其他街數之屬若六壬星命
魁擧之家皆有論列又謂草木生于一地踐履所及不可
不知乃取爾雅博物志本草諸書一證其同異識名
不性聚得百種之解毒者采取爲丸名曰綠藹平居足
不入城市家有桑竹園池之勝村醪野蔬唱嗟可辦
餘事置筒中客至則隨手拈一事與客共之必盡歡乃

聽客去晚年城中士大夫家爭相延致振樹堂汪氏轉
松堂孫氏項生金門先後假館者十餘年談燕追歡羣
英聚首而編詩四卷亦即孫氏所刊行還家懷息
者年餘精力衰邁尙著周易類經未成書而卒
詞科餘話仁仲吳穎芳西林居良山門外
熱情選理兼長史學深自韜晦不求世知
隨園詩話杭州布衣吳西林博學多聞嘗自序其詩曰
古人讀書不專務詞章偶而流露多謔吟體丹所蓄其骨
中淵乎莫測也逸降而下傾瀉漸多或溢其量以出故
之學作十分之詩無餘蘊矣次焉者或濫其量以出故
其經營之處時露不足如舉重械雖同西一運用而勞逸
之態各殊古人勝於近代可準是以觀西林與抗厲諸
公同時角逐及諸公俱登科第而西林如故也故咏筍
腊結句云回頭看同隊一一上雲烟又答客至曰田間
住却攜錫手來與諸公話白雲又有句云貧士出
門非易事藜門投刺豈初心能使聞者人人點頭
碧谿詩話西林丈家本素封閉戶著書數十年不問生
產事遂中落所著書皆鈔本流傳惟詩刻行世存生精
詩十之一得三百餘首爲四卷手自訂鈔編示同人精
審予亦預其列凡一字未合瀕爲易去不可易者竟刪
之故存詩少
而格彌精

和沈晴川丈村居

翦荷結屋居清淨荒陂秋水澄霜鏡之人臥耽蘿薜深保性
幽卿松柏勁販賣雲壑不侑錢分作狗書受貧病南漳秋雪
拉漁兄畱下春紅中酒聖一東一西雲共將隨關隨盈月爲
性曠觀物理燭冥機應接人事寓無竟使令喚得樵與段樹
果栽蔬夾田畔不愁淋漓不悲旱冬青可抵你之半營度吟
句老更癡名器定居高士差身前莫計况身後過此一壺外
不知

寄毛睿中

出處豈殊致跡冥理自通軒冕豈累人陋巷堪養冲吾子策
高足躡雲萬里風中途更蹉跌斂翻依卑叢蹇鴛我特甚平
生信偏衷詎以小勲業亦非嗜賤窮狗時等畫虎學技如屠
龍展帙雪月下抱琴邱園中曷彼耕漁興副我泉石胸悠悠

化邈百年會有終

親自童穉惠好不覺深形跡脫畧盡相示唯此心河橋展
扉手日月馳駿駁中間寤語疎關河阻清襟暫對情未極別
酒愁重掛郊扉悵然臥忍聽孤鳴禽攬衣驚四顧誰知我沈
吟方秋接鴻羽因之寄新音

荷門夜泊

索醉樓陰切碧簫石橋如舊跨長虹報秋砧杵初調月泊晚
颿檣正卸風吹竹不逢吳市客買山思作太湖公游踪何事
頻漂泊一半年光屬早鴻

滄海石

遶樓臥鼓龍沙靜射候威行無外境旃裘翠帳來藥街奇貨
輪將三市并篋中磊砢來荒朔千年染透莓苔綠寶胎蘊結

馬腦精小有瑕紋如鳥啄瀚海瀉漫天西連高無草樹低無
泉迢遙百驛石爲國十旬馬蹄行欲穿涼秋烈風動地吼飄
似葉飛堆作阜冰山雪窖不識春行人盡阻西關口誰歎嗜
奇拾滿囊破費柔腕百石榴良工睥睨俯而笑胡沙乎試割
玉方霞光初透紅間白滿腹英華藏不得專諸巷口人爭覩
咨嗟忽動懷鉛客絕愛古翠烟露明何如完璞天然成清泉
汲取養蠲洗肝與文房伴一生

陸氏明瑟園

水曲亭林入畫圖詩書先世得膏腴食單丙穴分魚味生計
椰椰食稻租波引小滢開虎眼夢延高架引龍須金釵擊節
歌初緊不讓齊奴一斛珠

南澗寺

跨路幽亭詰屈闌翠松如帶拂塵冠諸天花木三層寺初地
樓臺百尺竿石罅頓驚踈雨落樹顛長護法雲寒曾扶支藉
先生杖山色都將舊眼看

對酒贈睿中

飛紅睡香西湖春雄兒跋馬爭春塵扁舟獨汎依白蘋酒中
尋張氣益振羨君秉志崇清真天爵自具高我貧劉楨風有
松柏性李白豈是蓬蒿人風颺客意落杯酒搖曳烟絲委波
柳眼中一閃忽如夢春去餘時強爲有誰誇熊轡龜壓紐誰
羨黃金挂北斗莫尋李主日者流去訪蒙莊漆園叟

訪黃雪山房紫山徐文

欲問幽棲郭林秀共一門隔籬松子墜過澗鶴兒翻養道追
虞夏將書澗子孫坐來成小劫山頂日車昏

孫翁山居乞詩

鑿石流雲總不知，綠筠關角滑龍縈。
遍山草識都成藥，繞屋花判盡入詩。
細柳涼招新浴後，好禽語湊半醒時。
多君日有清樽興，欲把琴來一解頤。

西園梅花下得句

一鳥唱晴色，西園花亂開。
詩成向天笑，酒熟無人來。
挂帽紫筠竹橫琴，白石臺胸中。
千古意寫作松風哀。

泛湖至水心寺

縹緲東風桂檝移，水心柳蔭放生池。
交蘼葉密鳴螭細，折葦枝低宿鷺驚。
赤足野公沙外釣，白頭道士竹間棋。
最憐佳日長多事，難辦看山屐直費。

野况和韻

寧爲穉雛矮竹門多年耕讀桔槔園春花落盡開山展明月
佳時住水村厚養獨誇儲芋栗薄收分減及雞豚心知身外
渾無事霜色空餘入鬢根

武康徐氏莊

麥青田舍春茅齋翳青鸞鷓鴣悉家禽溪山非戶外高人業
孤峭禪處得三昧所語皆椎儲內照塞其兌采芝深谷坳擷
藻淺石瀨家醪宿三月魚鮓間瓜蕪今夜東井光來參社公
會

王次簪義橋村齋園

高齋蔽桑陰昔我曾叩關日出雞犬靜岑寂如深山談間洽
賓主一笑忘新暑松色自遠邱鳩聲正微雨圖史左右陳阻
古兼吟新天懷幾童子猶勝禮法人槎度林可風詔息湖可

市
卷二十一
浴時和理春服婆娑把筇竹高生西齋筵吾子層樓居爲爾
竟寂寂於君復何如

翟晴江帶笠圖

遙遙江郭外西舍接東邨溪水清同汲春桑綠到門古風
草野高趣寄琴樽不爽生平志從君老灌園

贈楚木上人

高人元氣貯肝鬲偶世無名道無跡往來人間人莫測一片
秋雲颺天碧水月定中千劫轉照見皈依心不淺明年攜入
沃洲山行李不辭雙足滿

雪崖上人茗會

晝公亦請胎息訣歸來新濯三衣潔危塘遮眼如看山白鳥
紅霞互明滅驟雨鳴松入鼎來濕雲滿椀花徘徊角童供給

擅能事俗客不思河朔孟本色家風無貌飾坐地團蒲佛標
格詩情禪意兩通元溪色山香動胸臆卽今茗事全吾真盤
龍空惹京華塵欲知花乳清冷味須是眠雲跂石人

紫藤書屋

潔甚高齋花竹蔽近在桐村一步地恂恂儒士舊卿門白壁
青錢買好事淳泓積水心鎮靜濃豔春闌眼沈醉新雜吐語
不成喇囉衍蝕痕如有字叩環檣檣黃耳驚昨日客來南巷
生安弦一操天地清草元室中無俗聲滑稽吐酒鴟夷鳴玉
山不待他人傾醉中語比醒更好鴉兒忽報東方明

田守廬先生居湖上

得寵東風錦繡枝眼看繁盛幾何時一邱一壑自爲適獨往
獨來人不知東野舊遷書籍富杜陵新起草堂卑西湖儘有

滄洲趣閑把漁竿詠楚辭

寄張定夫金陵

文章空說兩京傳生計征帆共馬鞭
鼻息仰人終下策頭顱歷世過中年
水甘建業差堪飲月上秦淮未肯眠
聞道束裝今頗富千番醉墨代腰纏

詠麈和楚公

駒影分馳一隙中世間紛擾相都同
自甘做箇多閑藥見方干句莫問東華踏輦紅
居世只如棲弱草汗人真欲障西風
貝面近識循身觀七分分開證是空

汪槐塘朱林表邵檣波過舍

報有高軒照水濱不驚門外野鷗羣
田間住却攜鋤手來與諸公話白雲

和人筍腊

幽穉經烹炙儲藏可判年龍胎生蛻骨玉版死心禪枯槁爲
誰好腥膻覺汝賢回頭看同隊一一上雲烟

又醃蔬

秋未晚菘嫩蓰罌爲久藏何堪蹂躪苦重借齒牙香味豈從
煙火聲猶脆雪霜冥冥主張在我夢不官傘

山谷詩意

柳林前後野步

蟬葉輕紗怕緙風赤亭紅榭兩相逢平沙鴈宕迎湖緩深柳
鶯簧喚酒濃一碧暗通凡幾汶晚晴相賽有諸峯樓頭危睇
井前度魚鱗生衣翠戶重

題孤舟山菴壁

屈曲花源自探看雪前松亞竹珊珊貌清如鶴不迎客意懶

千雲只戀山入靜，虛廢來往伴。望遙烟樹有無間，投師信宿心何歎。定水清襟與其閑。

張仲謀陳用舟翟西雍余蓉裳雨中集舍分韻

難得聽春雨，朋簪共說詩。雨能停客屐，詩足解人頤。鼎熱銷商陸，牆危絆陟釐。寂寥供客眼，紅濕幾斜枝。

和友村居分韻

郭東舊業廢，春苗不識流。鶯解寂寥江上酒，香楊菜社港中魚。賤荻花標看山風起，驅朝霧種藥泥融。應夜潮沙田夜常湖土會得故人濠，上思未嫌草草混漁樵。

萬峯山房納涼分韻

冒暑來消暑，新隄穿藕花。熱風初地歇，涼翠一屏遮。談伴真成藪，香林卽是家。虎跑泉味好，喜爲淪春芽。

靈芝寺牡丹同王古鐵賦

崇新巷轉寺門幽無賴春愁一檻收始信佛家真富貴此來
老子亦風流談禪已識空爲相啄句先教花點頭獨念犁眉
不同賞游雲孤館漫生愁

用劉文成句意

送古鐵入閩赴鄭進士天飛聘

纔聽流水伯牙弦愁視行旌颺客船溪樹暗迎梅子雨嶺雲
紅入荔支天攜詩太樸重尋勝置驛當時獨好賢爲念草堂
多硯伴相思長向兔華圓

詠鐵畫和梁太史山舟

以空爲紙鐵爲墨草木蟲魚隨手得挂名畫苑喧市師翰林
主人竊有詩畫是強名詩絕妙毫端百物無遺照蕪湖湯叟
向著雙螭刻法古能出新巉巖山峯削鐵立鐵樹花開鐵鳳

集至哉黑金用不窮太阿龍泉天下雄餘事猶能弄狡獪慘
淡經營鬼神會桃氏築氏斂手看朱門高懸卜夜觀白沙作
蒙籠盜燭元光幢幢搜四幅鐵圍山中物賦形白豪幻出闕
婆城鄉人僻處何由見只共孤檠守老兵

偕古鐵過伴雲菴

已觸梅檀氣猶紆幾折籬池光受花影石角避藤枝存沒朋
筓在遷流歲箭遲金容現微笑笑我鬢添絲

跋翠山房逢柳潔夫

山頭破寺冒蘿蔓鐘鼓聲消南渡恨殘僧賣藥畱逸入江鮮
野菜桃花飯昔年走雨停兩屐三十春秋不畱寸柳下先生
名早瞰文字家中逢荷頓松崖爽朗卽班荆局背山寮怕拘
閩南來亘白江流遠西去浮青雲色嫩湖瀕有客采蘋歌笛

裏誰家柳花怨書生感觸敢大言古籍鑽研發高論炎威終
見冰山冷浮艷還如朝權褪未能八尺甘脂韋豈有六經歸
稗販勿觀不耐冷笑人識見倍蕞或千萬家庭亦認濟叔癡
勢力休誇董公健青帘正近沙嘴飄欲破閒愁消酒券

曝書和翟晴江

曝衣舊記火流初兼取塵編曬廣除完整先陳前代本叢殘
俱拾故人書壁魚食字仙難化穴鼠搬蟲拙更如多笑龍鍾
曾不厭爲渠憔悴一生虛

施

安字竹田號石友又號南湖老

杭州府志文苑傳施安甫踰冠詩格已成

詩人吟蟬嘗數後來之秀當以竹田爲首

舊雨齋詩自序畧口予幼讀司空表聖詩品類然有會

慨學爲吟諷中年以來事故漸多衣食奔走之念膠揭

于笥中顧山水燕游友朋贈答間有所作亦不自收拾

予友雲亭明府見而喜之損俸以授梓人因命兒子學

廉學韓檢篋中所存自庚戌迄
今之作法其六七齋爲入卷

答萬峯

吳山堂畔攬吟鬚小別星霜五稔餘
繞屋尙多菱後竹堆牀
還讀借來書下田水滿妨收稻
秋港花深晚禁漁如此鄉園
如此景幾人飛札問岩居
近歲湖中漁戶輸官者編竹爲籬
以禁私捕夏秋多雨豐稔尙未可
期故并
改之

邢江土穀祠大樹相傳爲千餘年物
同松阜研北賦之
城西古社神貌崇當門一樹盤蒼穹
鶴巢忽墮夕陽外鳴脚
半黃秋影中臃腫詎免野火劫
窈窕綴以丹青工我來摩挲
紀甲子移根或者青羊宮

王晴山招集平山堂索賦長歌時與會者百餘人

雨雨乍止林扉開松影滿地橫
古釵我來適當清暑候沙路

鬆快便輕鞵平岡蜿蜒通蜀道其間樓閣位置佳陪家歌舞
已灰冷指點往事摧客懷卷簾一笑山色近攀裳涉波爲吾
儕誰寫吳粧入小筆煙嵐一擦明鏡指廬陵玉局本詞客白
頭山縮刺史綱當年手種不可見泠泠修竹無根莖至今山
川闕清氣風雅往往供談諧漁洋老人最後起冶春七字非
淫哇我生已恨歲時晚清游安得杖履皆今年懷餅廣陵市
道逢耆舊拍手如洪厓先生白下賢訪古邗水涯好詩兼好
客壺觴興不乖圖書五車塚三尺劇談混沌驅風霾堂前似
省舊游處惜無柳影闌苔堦江山百年有此樂今之視昔誰
相差座中競鬪淮海句而我擬學劉伶埋蘭亭梓澤有故事
丹青絲竹何爲哉昨者見獵弄柔翰五子粧點同優俳先生
未許負夙諾枯魚屢索閱屢排何時孟公復陷我觥船一棹

同并前車金 卷三二
浮清淮載月時乘黃篋舫折花不須紅粉娃長箋急報釣魚
雙江湖襍被行當偕

十研齋詠蠶豆得豆字

荷鋤隨園官學種一項豆暇讀月令書小摘春雨後平疇交
柔陰細埂通溪澗却趁吳蠶眠嘗新當麥候色翠奪筠籃土
香雜蒸餠詎惟供殘牙兼可脩寒糗社僧南屏來滿把出煙
岫空庖屏魚蝦一飽懽童幼風味配茶杯清甘猶可漱

皋亭山觀競渡

綠蒲節近雨踈踈忽破晴光一夕餘野渡人喧蠶市後柳陰
風泊酒船初新愁已罷湘靈瑟遺事猶傳荆楚書看盡水嬉
還小立樊川歸路重踟躕

蘆筍分用坡翁印子山記園中草木詩韻

我家江南岸種蘆成青林過雨抽春苗綠淨顏自矜參差各
抱節守孱如不任充厨苦味淡聊以供吟襟蕭瑟水煙宿誰
遺白玉簪空叢掠漁艇影共波淺深但看飛秋雪過眼分衰
興汀洲野鴨多畫手知誰能

南香草堂食秋蓴分得九佳卽寄穆門

新涼有約過莎齋却喜蓴羹下筋偕家近煙波供容易味宜
鹽豉入秋佳間來方物添詩料醉裏貧交戀別懷倘爲西風
緩歸棹早煩鄉信寄吳鞵

時穆門
客吳松

次酪用歐陽公初食雞頭詩韻同月田先生葢林寸田
歐亭作

吾鄉六月雞頭肥青葉田田滿沙背風味最數錢塘湖蓮房
菰米差可擬樓中煮酒快嘗新赤手森然出波底誰傳方法

自厨爨作糜乃與防風比初看遶磨卷飛雪忽訝輕綃漉清醴琉璃盃盛白玉光和以蜜味甘冰齒此時合眼卽江湖十
宿漁船紅藕裏不須遠憶會靈園劈破明珠定誰美吾儕說
食繼歐陽詩味清虛聊可喜定知舌本戀餘甘一杯漫飲雞
蘇水

繡谷亭藤花歌得月字

春來風物相牽拂乞花償酒過三月吳郎道南相招攜紫藤
一樹花正發亭中捲幔香四周山蜂忽喧晴霞圻漸日悄悄
出短簷綠塔疊疊盤高格白頭種樹記前人一歲一看轉蒙
密我昔曾泛賀家湖青藤老屋未蕪沒池光汎汎花漾漾
得春痕在畫壁眼中惆悵人代非三絕難尋古狂客何如君
家此藤樹數世長養閱霜雪况復好事繼若翁留客盤殮供

荀蕨興酣更遣吹紫簫吹落繁英撲巾襪

永興寺訪馮其區先生手植綠萼梅

白雲橫溪溪不斷上有精廬隔修坂支筇幾里始入門忽見
梅花開兩本我憐祭酒手植時看徧東風供繾綣一株嘸強
如凍蛟冰雪滿身香不散一株枯腸半生死別有孫枝著花
晚地冷何嫌苔蘚侵春歸頓覺芳時遠花光老人畫不如誰
將水墨寫偃蹇旃檀清供在護持百年天遣梅魂返當年題
詩邀東澗前輩風流今已罕眼中耆舊况飄零應共此花增
悽惋相期買宅西溪西燒筍年年就僧飯

二月二十八日舉亭舟中看桃花以舟行著色屏風裏
人在回文錦字中爲韻分得屏字

春寒二月愁未醒花時但有風雨零同人急踐開沽約小舫

出郭穿回汀司家橋外不數里瞥見一株猶伶俚我疑桃源
在人境茅簷雞犬聲可聽居民託業唯老圃徧栽桃李成畦
町行窮溪路轉蒙密高下掩映桑柘青縞夜眩晝各有態相
對何啻尹與邢春流詰曲繞浦淑野約斷續通郊垆遠嵐一
桁出花上雲霞渲染開重屏散步偶逢田父語紙窗破屋風
泠泠吾儕看花歲一至那能撲被恣畱停災年行樂堪一笑
乞漿何處逢娉婷舉亭丙舍僅只尺寒松夾路烟冥冥故人
莫訝生理拙抱甕行且隨園丁

嚴際昌

字商大號味邨仁和人
錢塘諸生著存存堂稿

朱文藻傳畧曰先生祖初菴公工詩古文康熙丁巳舉

大科以病不起先生讀書傾悟配與儒人工詩著錄諸

同詠先生著述有五經提要三禮法研輯慎終錄諸

書晚年賈所作爲存存堂集寓于菴弄元鈔未集皆重

費購之并節遺蹟展卷猶
新目錄尚友堂書錄中

過常山次馮香原韻

夜雨愁行後朝晴喜見山肩輿從北郭曲道向西灣地執連
三省重防設兩關漸看暎日暮飛鳥倦知還

自靈鷲山送江萼樓葬目雨歸舟

冷雨寒風潑潑來密雲深處一舟開山光慘澹天連水鳥語
鞦韆霧沒臺積雨不榮荒草宿斷帆猶繫故人哀湖心飄渺
烟波黯柔櫓輕舠駐古槐

新正詣汪晴江先生新宅見門簿題句卽次原韻

曉風寒沁北窗西雪壓簷如白堊泥吟倦不知今雨集有人
門外次新題

我去君家半里西望衙門宇兩新泥奔波同痛桑榆晚錯認

君題是我題

原唱有桑榆奔走真難事
惠顧先趨簿上題之句

沈

碧

字秋河仁甲諸生有只可福

別家人之括蒼

珍重山妻健自持癡兒惟仗母爲師讀書苦與君同受行路
難非爾所知風急一帆人去後月明千里夢回時深閨寂寞
休惆悵記取團圓正有期

平昌竹枝詞

平昌山深暮雨迷平昌渡淺朝雲低朝朝渡口撈鮮鯽暮暮
山腰打竹雞

絕壑何年白馬逃近峰今數眠牛高妾似眠牛還帶犢郎如
白馬不歸槽

張濟川

字東之號南舉仁相諸生嘗南舉詩鈔

桑桐

元傳畧曰南舉生姓張端甫之子也平向有別業在東泉間餘山書屋友教四方之士生居志遠三里而

近從予遊論文講學烟晨月夕吟燕流連羣呼爲南華
生其父以江右林學使聘開文會予主大梁書院父摯
之來遊當途交口稱其才館于輝縣之孟氏百泉故多
佳山水而主人夙構省園有池亭花竹之勝生題咏殆
遍夏忽病暑遂捐館舍所作文多
散逸存詩四卷許州袁板行之
王會祥墓誌銘畧曰女夫姓張氏居貧郭之南園自稱
南華生工部桑先生者女弟之舅也乞假歸生從之遊
爲詩多至性語歲已巳從其父端甫客江右庚午從桑
先生於大梁甲戌館於輝縣孟氏六月望病鳴不起生
娶于王爲
予次女

奉懷盧丈敬甫 存心 息冥 壽朋

旅夢牽三轂音書滯一涯青山追杖履皓月想襟懷遠客心
情惡小園風味佳何當率樽酒數老聚茅齋

送郭二之考城予亦南旋

人生無定在我亦卽南行鄉思元同苦秋懷亦共清萍蓬飄
遠地鞍馬別孤城何日重聯袂依依話客情

兩浙輜軒錄 卷二十六 沈碧 張濟川

詔夏峯孫先生祠

大道不絕如絲懸先生獨俾洛學傳徵書屢下臥不起百泉
卽是清冷淵蘇門代有高人躅一姓輝映無後先我生不識
古流派攜瓢酌取雲中泉

周二學

字幼聞號藥坡又號晚菘仁和諸生著漸於集

潘庭筠曰周晚菘少受知於中州李紫葍先生繼得文
談於金小樹先生得詩法於翁羅軒龔衡圃兩先生若
兼文莊公金少宗伯觀少宗伯丁龍泓屬樊榭金壽門
請前輩皆至友也書法學文待詔精賞鑒收藏書畫甚
富揮其作者仿珊瑚網江村銷夏錄爲一角編兩冊又
別爲一書名一拉栗更著賞延素心錄一卷詳褒貶之
法甚精晚年食貧所藏盡
散惟手定詩數卷尚存

過丁二敬身

出郭詣徵士懶乘下澤車風如寒食近雪比梅花疎來不問
奇字坐惟觀好書錦繡玉屑何必餉山蔬

林阮林爲畫扇頭兼題佳句因次韻奉答

新桂米如珠豈能缺不買瑣屑亂幽懷艱難非一載儘有天
池澗苦壓屋子矮不好涉世故寧復計尤悔惟欠困鹽車竟
等凡民待何緣達酣肆捉筆意先餒爭如富邱壑倪王妙兼
采

至後同吳琳崑薛廷章汪子宜沈眷瑤游湖南法相寺
坐竹閣各賦二詩用壁間李檀園書東坡谷林堂詩

韻

山行誤亦佳何必問生疎佛屋非其故林木好於初天台在
人境寺外石亭署曰自天台來四字一見如起予高寒少遊屐時復集香車
半偈參古佛平橋俯清渠雲層接人語身若凌空虛山僧却
愛客煮茶進談餘堆案無俗物梵典雜儒書

竹閣如新築竹樹亦蕭疎四壁檀園躋晚年尤勝初規撫形
似間虎賁寶魏子延綠日之夕喜不喧馬車松樹落清響溪
流度寒渠浮生雖若夢漫等雲烟虛能辦買山錢何必求其
餘延陵先有作拂硯索吾書

新晴散花灘早步

春泥輾可步風定不吹衣
暝樹鳥成語抱花蜂懶飛
桑畦連麥稜野渡接漁磯
佳日肯虛度樓居看落暉

散花灘阻雨疊前韻

歸錦橋西路春寒欲透衣
天纔分卯色雨忽作絲飛
筍笠尋僧寺魚鬣歌釣磯
延綠還北郭雲散放晴暉

戴鵬亭邀食江珧柱余不得同分韻得味字

腥風掀鯨波賈舶逐蜃利
鮮珍貴海錯况乃超品類
馬類豈

嘉名海月亦粲鬪食典怪不登鼎媿笑成陴戴子興不淺每
歲必遠致爲開聽鸚亭恍別有天地春花俯近紅晚山含遠
翠未羅櫻筍厨先破蝙蝠翹翠香浮露英舉酒快揚觴紫尊
根脆滑黃頰臙豐膩次第列盤中不止美兼二清歡猶未足
各以詩紀事余見口腹緣豈謂不同嗜瞥眼卽春來老饕定
知味

題汪五西顛購得沈敬南春萱圖真蹟

首名忘憂憂可忘奉萱圖合張高堂匏翁所寶石翁蹟珊瑚
多幸添珍藏君家到玉有珊
瑚斜挂木傳世定博慈顏開笑日酌彼康爵還
壽母圓購於母太夫
人八十壽時花間板輿樂歲月不換驂駟金絡首今
之視昔何古今猶是春風人子心春風自髮映高
堂石翁圖句也千金詒書
杜門謝美談直使傳詞林詩篇絢爛南陔補媿我卮言何足

取與君兄弟卅年交

謂令兄
蕩州

俯仰能無感舊雨

輓王學徵

北郭遷居隔一城論交不媿古先民功名非願磨談笑邊幅
慵修本性情道合全歸堪放手身無欠事肯貪生但畱著作
綿家學菽粟書田舌可耕

吳世昌

字升來號旭堂仁和諸生
善行旭堂剛彙續彙漫彙

宋大樹曰先生品行爲鄉里推重論詩以和平爲宗無
沿襲雕飾之習曰吾自有真性情有問詩選本孰優者
曰能經爲聖人則定無偏見此後不免有
偏見矣但熟讀陶杜全集自足成家耳

蜘蛛

鳥羅不在山魚網不在淵飛蟲多誤觸吞噓恣飽餐我嘗思
細物謀生亦孔艱採花蜂往復聚糧蟻盤旋何爲被獨暇坐
獲壽安便斯理吾未解靜觀發長歎

秃筆吟

我昔初識字弄筆今未了窮年衫袖烏塗抹亦非少夢羨謫
仙花書媿張顛草才技久不進歲月如飛鳥坐令中書君頭
秃嗟已老積來十八瓌知歷幾昏曉物舊屢易新蒼鬢吾欲
皓碌碌竟無名文房負斯寶

田嘉穎

字道腴仁和人
有厚木堂集

碧溪詩話先生生平遠慕京師山左有別業在顧村里
居之日無多幕游至皖城而終所作詩凡五卷文集一
卷俱藏
于家

野田黃雀行

軟歲收養小童豐
年逃去擬古自造

黃雀黃雀連遭儼飛來田澤長羽衣剝啄香稻體漸肥翻入
廣野不思歸前有網罟後有機歸來歸來人依依

曾孝女詩

并序

孝女曾氏父名尙增宗聖裔也以翰林出爲郴州牧
孝女年十一二歲值母張宜人臥疾不起孝女侍湯
藥歷四載不倦乾隆戊寅冬宜人病轉劇而孝女委
頓亦殊甚宜人憐之曰兒病矣盍少臥命老媪侍我
孝女懼拂母意卽帷幕外假寐老媪就榻前爐火烘
衣倦臥衣燬火及宜人榻孝女驚以手撲火不得滅
守宜人榻前呼救時寒甚漏下已四十刻家人寢正
熟聞變起撞門入則火已及帷宜人自度不能免促
公掖孝女出孝女哭挽宜人臂不肯釋家人負公出
復奔救孝女孝女不許且哭且呼曰速救夫人夫人
出我乃出時宜人已在烈焰中猶見孝女以手捧宜
人而哭不止公大聲呼孝女速出孝女卒不出遂從

宜人焚死火既熄求其骨見孝女以身抱宜人骸卒
不得解觀者皆涕泣不能仰視孝女生于乾隆甲子
八月二十日歿于戊寅十二月廿三日僅十五歲也

宗聖古孝子傳家多義方承武數十世忠孝扶綱常篤生柳
州公作牧揚清光有女名衍綸十齡能文章十二遵母疾侍
奉牀第旁十五母疾革日夕心徬徨憂勞遂羸瘠午夜遭奇
殃假寐帷幕間嫗老事藥湯燬衣延臥榻孝女起驚惶疾呼

救夫人母面向捧將有人扶女出嚙臂仍入房抹母竟不得

抱侍同死

秀水鄭太史虎文云有扶孝女出者嚙骨肉既其臂仍入火救母不得出遂同焚焉

合并膏血難分張吾人丈夫子聞之痛中腸乾隆戊辰冬吾母疾亟值夜

大發吾救緬昔有曹娥拯父溺大江死抱出重險血肉猶無
之僅免

傷痛此母女魂萬古兩相望安得幼婦碑表此孝女殤都人

兩浙輶軒錄

卷二十六

田嘉楨

三

感純孝祠祀修烝嘗

鄭太史云今郡人已祠祀之

視古兩不忝蓋曰誰能

揚

翁光遜

字秀曾一字理翁又號者庵仁和人以商籍補錢塘諸生名切進

周慶承曰者庵屢試不售晚年遂棄舉子業以詩自娛遺稿數百首惜未經編輯擇其尤者錄之

驟雨

不見河魚落驚看幕燕翻雲低全壓棟風急爲關門餘怒雷
猶震飛泉石欲吞病軀涼便好冰簟且溫存

李震鷺

字雲客更字筠客號友鷗秀水人良年曾係有到訪吟草

梅里詩軒友鷗以善書名詩亦和而不能

四月二十二日同人小集剡舫卽事敬步徵士題山房

左壁韻

徑僻隔露塵村深少比鄰蹉跎空歲月疎懶亦天真詩老停

雙屐浮杯得七人清談及蠶箔風俗喜還淳

朱振祖

字龜武號香齋秀水人
夔尊會孫有醇舫吟卓

梅里詩輯香齋名公後裔穎異多才楷書絕類率更度
曲自諧音律指頭作畫生動可觀詩學尤是其家事惜

手工力
未深

月下聞笛

何處吹羌笛淒涼風月清梅花飄磻戶楊柳遍江城是夜添
愁思高樓動別情渾疑孤雁起故作斷腸聲

春日過秋錦山房看牡丹

殺雨初晴動曉寒名花幾朵綻雕欄分明好手畫徐畫淺淡
燕支染玉盤

吾家池館曾栽種顛顛春風花數枝輸爾山房宮樣好卷簾

相對日斜時

兩折齋軒錄

卷二十六

俞允文李震聲朱振祖

美

朱翰宣

字王路秀水監生有菊數窠

梅里詩輯菊聖性強直意有所向堅不可回獨于詩虛心澹度愛人攻已閉戶而吟百改不厭出之平易得以艱深故言短意長格堅苦旨雋晚歲賣藥市門呻吟不輟歿無子余輯其遺詩刻之

不得陳敬夫消息

我友今無恙經年信未通
江湖波浪濶夜月屋梁空
久客交遊冷娛親晚計窮
何時放歸棹愁煞白頭翁

食粥

歲豐常儉食况復遇飢年
老覺謀生誤貧非造物偏
愁炊將罄粟惜典舊存瓊
澗粥休云苦顏公帖尚傳

杏花

落梅香斷草萋萋斜日孤
村燕子低一樹淺紅欺醉
粉重門深鎖繚牆西

題胡良思澱江陶月圖

清江明月緩抽帆，小謝風流尚可攀。
不合移家長水住，秋風冷落舊家山。

戚王邈

字履同，號素亭秀水諸生，有自鳴集。

與懋政曰：素亭童子時，卽稠嶺有節概，佔畢之餘，兼工騎射。年十五，以第二人入武洋，未幾棄武就文。生平讀書於易學尤深遂。

南湖卽事

好雨千犁足，殘暉一艇歸。
舊遊皆往蹟，新漲上苔磯。
波細月同碎，天高鳥獨飛。
不知鷗鷺意，枯坐盡忘機。

遊虎跑

霜色老楓容，寒山日曳筇。
雲開初見寺，綰遠已聞鐘。
絕徑晨隨鹿，飛泉夜呪龍。
何當拈小偈，茗椀洗塵胸。

夜坐

砧聲晚急水風微魚市蕭森正掩扉雲懶近依虛牖宿鴉寒
重台遠空圍一村秋雨相如病三徑黃花陶令饑歷數初心
全自誑休文瘦欲不勝衣

夏

葛字煥如號草廬嘉善諸生著謙受齋藜

陳以剛謙受齋藜序畧曰草廬夏子獨行士也前嘗憐敦厚淳懇之志自余宰魏塘未嘗一識其面後朝任居城南書院日以詩文相是正

過梅花巷弔吳仲瑋先生墓

誰種梅花此水濱因過禪室弔芳塵碑文未泐華亭蹟庭草
猶疑至正春畫比迂倪尤古淡詩參老鐵更清新住僧能守
墳三尺長與陳家光德鄰今為光德菴

過涵青院

在葛嶺下

撥雲來叩羽人宮迴與繁華境不同
曲徑幽深秋樹碧疎簾
慘澹夕陽紅一聲午磬驚山鳥
滿院涼颺泣草蟲安得吾廬
清似此杜門來學葛仙翁

首春過五柳居小酌主人進酒名梅花春戲占一絕示
同遊

釀酒隨時有古方菜花黃過菊花黃
此遊專爲梅花出笑指
孤山是醉鄉

沈孔鍵

字南谷柯鄉人有
小羅浮山人詩鈔

諸錦曰山人古風筆意高妙教行之人隨地流
出具見劉次由其服習于楊園先生家法深也

鴨捕蝗

有序

上元縣產蝗官募捕坊鴨百千羣啖之立盡古民作

鴨捕蝗和之

江頭蠢蠢蝗蟲生田中有禾秋晚成捕蝗乏計老農愁縣官
懸賞求良謀鴨頭能言自薦引千頃蝗蟲十日盡官民聚議
倘鴨功鴨言事宜入

九重耕牛私屠國有法牛功廣大鴨功狹鴨軀不比牛軀大
願勿屠牛且屠鴨

雜懷次嚴菴村韻

敝廬不堪處我心頗自娛四壁蓬蒿風雨保無虞讀書懷
古人豈屑吹竽等仰承父母顏俯樂弟妹俱世人慕榮達君
子安其愚

天豈有棄人人反自棄之嗟嗟我四體百事無一宜有書未
能讀有田不能耕父耕舌頭破母舂晨待炊父母老尙叨我
壯反虫龟

孝順竹歌

柳陰堂前一叢竹撥霧掠雲挺蒼玉斯竹不與凡竹同蕭疎
頗有君子風凡竹歲寒挺孤勁斯竹猗猗具天性凌寒老竹
畏霜雪老竹居內稚外列北風凜冽稚竹當老竹居龍向和
光六月涼颺老竹愛稚竹居內老在外暑寒不爲老竹摧老
不益老衰不衰我欲摳衣拜竹丈唯願世人師竹樣少者當
愛老者身老者對竹暗傷神

范從徹

號采菊山人鄞人官無爲州知州著采菊山人詩集三卷

平望舟中

路入三吳景最幽消磨炎暑片帆遊湖平碧影融垂柳山遠
青痕見沒鷗茶喜得泉清過酒天當欲雨氣如秋笑余不下
江州淚辜負琵琶起別舟

儀徵江行

蘆汀亦可人一望不能了綠葉蘸波心界畫見江小江中憑
片颿舟與青山繞青山無淺深點點出雲表古今勞勞人青
山看應飽豈獨憐余遊迎送意甚好恨不通畫禪一段歸草
草

遊焦山用東坡自金山放船至焦山韻

登臨情性原所耽况復山水名江南得閒纔作鼓棹想愚如
暮四兼朝三春風和緩醇勝酒詩興懶過三眠蠶焦仙高潔
今古少遺蹟憑弔能無慚長松老竹翠滴滴浪花波影清潭
潭觀音巖頭雙峯閣攀躋絕頂遊方酣雲烟變幻天地小豈
僅秀峭詩人談宛委靜度山鳥語寂寥孤眺高僧龕脫離世
網愁自洗飽讀禪味茶可甘滌鑄煎茶試江水香色那論煎

與貧只愁春墮落花老
流年似水情何堪
斜風急雨峭驅去
爲新句題茆庵

周

洪字星源山陰諸生
著有綠雪堂集

題二樹山人畫梅

山人愛寫梅幾奪梅花魄
胸次具山林紙上生泉石
純以篆隸書運入丹青格
發幹如擘窠作花類飛白
老勁得自然縱橫隨所適
冰雪暗生香烟雲漫無迹
爲我寫南枝等閒不受
迫但覺筆意寬不嫌殘幅窄
三絕邈無倫成此梅花癖

筍脯餉友

吾鄉花筍美作脯淡而甘
細若仙姬爪圓稱道士簪
采當先過茗焙不後於蠶
寄此添清供聊同玉版參

春湖曲

兩浙輜軒錄

卷二十六

周洪

望

雨水新添尺許高綠波倒浸跨湖橋晚來一片漁燈起照見

湖南柳萬條

劉顯祖

字蕭輝號玉屏山陰諸生著有玉屏山人集

蔡英曰劉玉屏與其弟珠湖射圃爲宛委先生文孫而石帆山人之子也俱能以詩文世其家學

詠史

士當伏草野嘗抱匡時志自視若欲然懷才豈輕試公孫雖
晚成遭逢亦云異儉德在細微烏能風有位未聞古大臣休
聲傳布被賢如董仲舒砥行誠無愧明道不計功嘉言補後
世曲學乃尊崇真儒何損棄

題畫雞

毛羽何褊縱絳幘黃金距似欲振翰音未解作人語廣庭白
石綠螽斯老鷄瞥見啐啄之百蟲偷眼盡驚怖蝴蝶紛紛過

牆去

聞笛

夜色碧無際寥天雲盡收誰將一聲笛吹出萬家秋漏靜月
當戶風清人倚樓關山無限恨空外聽悠悠

秋烟

荒村斜照斂漠漠起寒烟兩岸昏如失羣山暝欲連鴻歸迷
荻浦人唱辨菱船忽覺隨風動霏微上遠天

遊吼山

峭壁峻嶒映水塘平坡羣坐共相羊山從高處看人小日正
斜時覺影長松響頻隨泉韻遠石廳還帶竹陰涼禪房鐘鼓
何寥落惟有經聲出粉牆

江村

萬頃寒江秋水明稻花香散逐風清數椽茅屋竹深處日午
隔籬雞一聲

鍾

省

字則文山陰拔貢
生著墨妙山房草

大闢寺

絕磴遮松後殘僧引客前厨香猿守甌燈綠虎窺禪影壁危
穿蔓坳堂暗接泉坐來忘結習銷盡柏爐烟

春暮寄懷陳月泉

苔滋小徑屐痕疎隔歲誰停曲逆車黃鳥未邀春店酒青燈
猶滯夜窗書家鄰西子花偏好吟出冬郎錦不如正值天涯
游倦日待君揮麈滌塵裾

吳尊萊

字象超號樵村自稽
諸生著原村詩妙

自浙月至天台行百里許峯交嶺接幽巖撲人作詩一

首

山行不知遠穿雲入瓊瓏一峯一雲色襲人清濛濛返景忽
照曜嵐彩浮晴空溪聲發何處冷冷雜松風至喧出真靜雅
奏諧丁東耳目去所擾滌意清虛中仙源近可卽風景將無
同明當採藥去洞口桃花紅

銅鼓歌爲商寶意先生賦

兩粵山川多銅鼓伏波所作瘞蠻土土人掘地每得之渣汁
銷融形製古面蒙純綠鷓鴣斑腰簇微紋科斗縷非鏡非銅
發鯨鏗若鼓若舉懸樹羽騰空奇響奪將出裂地一聲應風
雨金精不朽鬱欲宣翠色生新潤堪撫獄底干將世竝驚巖
中太璞人同取先生昔守粵西郡云購此鼓從田父政餘別
蘇自摩挲享客詩成奏堂廡物情顯晦固有神必逢真賞方

能聚君不見矇眛逢逢正奏公柔遠修文休用武

題趙松雪畫陶靖節小像幀上手書歸去來詞

披圖晤對羲皇人幅巾曳杖超埃塵如此腰支詎堪折浩吟
歸去全天真讀史曾經識遺事甲子編年題五字松菊深牽
薄宦情滄桑獨抱遺民義誰歟畫者趙王孫典午衣冠今尙
存王孫誼更天濱切家國興亾幾愴魂丹青能事矜獨擅曠
代傳神如識面想從染翰慰飄零懷古思賢寓深羨勿勿南
渡事如何轡紱承恩異代多空遺羈情哀庾信寧知孤憤託
荆柯陶集內荆刺詩晉陵宋社蒼茫改流傳此卷依然在千
年栗里比蘭亭拂拭銀鈎露光彩朔雪穹廬勅勒陰王孫聲
價重南金可堪玉馬來朝意長愧冥鴻出世心

畫鷹

雙眸張金爪拳鐵筆底森森挾霜雪高堂數尺展生綃塵空
無言情寒絕君看奇鷹類奇士順時養晦知有以若教脫鏡
恣雄豪孤兔秋原盡披靡忍饑依人亦可憐何當一擊凌雲
烟尋常篆養渠寧屑等身兀立瞻青天瞭鷹古臺餘榛莽都
尉儀同徒濫賞畫中之鷹何處求畫筆如鷹鷹體適詩成掩
畫勿輕露高飛恐逐秋風去

小雨

小雨止復作片雲行欲還東風吹翠綠一夕遍湖山啼鳥不
知處春情相與閒悠然值農叟日暮話柴關

新城道中

蒼蒼濕翠濃雲影亂秋峯一路入飛雨不知山幾重水聲喧
廢碓眠色壓羣松欲訪壚江去清溪洗俗容

天姥寺

連天天姥下古寺
盡冥冥風壑互成響
雲嵐無定形名區豁
塵慮遠跡邈仙靈
徒倚長松好何人採茯苓

徐

行字後山會稽諸生
著有臥鏡齋詩草

夜過萬松巷

一徑秋聲集
諸天夜色幽
葉喧風不定
水曲月隨流
鳥語禪
中寂鐘聲飯後留
長松千萬樹
憑眺一登樓

題抱影廬贈二樹山人

阮公蠟屐蓋公廬
快活人吟安樂居
短褐盡交天下士
名山
甘老腹中書
琴橫竹榻鶯聲靜
花落苔階鶴夢虛
抱膝不妨
兼抱影南陽北郭
雨何如

柳橋

當年何事柳名橋
橋畔曾無柳半條
知是古人離別處
不勞折贈亦魂銷

商

璉

字泰華號又南綠際
貢生官曹縣知縣

劉勃君曰又南爲西園十
子之一卒官後詩稿散佚

還家吟

江南畫船如畫屋
成鼓郵旗幾回宿
應候初聞鴉鵲鳴
到家正及櫻桃熟
且喜連牀有異書
莫愁敢窺無餘粟
隣翁慰勞具鷄豚
世事遷移任陵谷
借問王孫胡不歸
天涯芳草年年綠

出宰曹邑書家信後

一官百里報新除
君子曾聞慶得與
任事方知才識淺
親民漸與梓桑疎
田園未免多荒草
弟姪休教廢讀書
華月前年

彈指過壯懷空憶請纓初

張裔林

字紹松號卓峰黃巖人

戚學標曰卓峰從秦沐雲先生得詩法尤工琢句往往贈炙人口

剡溪

萬山斷續亂雲堆天路清虛一鳥迴
百里長河辭禹穴滿帆秋色下天台
日華映水龍蛇動山勢迎人虎豹來
海客莫談荒渺事茫茫何處是蓬萊

陳維屏

字坦生寧海人

坐雪

漠漠江天一色平似聞落葉下階聲
市稀過客青帘卷水接孤城粉蝶明
鶴影空林堆玉屑風飄寒幌溼茶鐺
鄂歌幸得梁園伴乘興難爲江上行

陳

諒

初名梁字海所號魁樓嘉興人廷焯孫向中子諸生著覺棧詩鈔

春暮朱石蘿葛傳巖二先生同遊西郊

風簾依渡口土銜有村家
豈意煙郊晚猶餘穀雨花
濁醪透媪澆苦筍覓僧賒
歸趁前溪月休嫌漏鼓撾

胡尊甫

字山巖石門廩生宗衰子

題畫

家住深山十里餘
霜乾木落見幽居
待他五月濃陰後
遮却茅簷好讀書

青山白社夢歸時
可但前身是畫師
記得西陵烟雨後
最堪圖取大蘇詩

兩浙輜軒錄卷二十六

兩浙輜軒錄

卷二十六

張喬林陳維屏陳諒切葛昌